


敬業堂詩集卷三十五

海寧

查慎



還朝集

起戊子正月盡五月

家居一年展限已滿州縣敦迫就道勢難逡巡一術士
語余曰君欲賦遂初其在壬癸之交乎余笑而頷
之既至都仍內直昔楊誠齋自江西名還陸務觀
有相賀歸館之作今集中所載朝天續集此其時
也後五年從江東賦歸果若術士言則余之退休
亦不遠矣

立春後五日清溪舟中大雪留別談未菴徐任
可十二韻

敬業堂詩集卷三十五

四野雲俄合孤舟凍始消東風鳴昨夜大雪灑今朝
邂逅成奇特斯須破寂寥連峯香挺玉眾水畢趨苔委浪
疑鋪練投村誤斷橋微嫌經臘少偏愛入春饒亞白回
梅眼誇輕鬪柳腰近人何脈脈隨我太飄飄吟對知才
減寒禁待酒澆畫圖愁去國蹤跡咲還朝時余將北上
便欺蘭蕙終須別艾蕭溪山有迷路長恐失漁樵

聞少詹姪京邸訃音時余方東北裝先馳詩四

童哭之

忽馳家信入新春凶問初傳或未真其訝緘封纔偏臘
不知屬續已經旬兩宮遣問無虛日一姓哀榮得幾
人屈指輜車定南下空將老泪灑征塵

早年同學晚同官。永訣俄從小別拆。去年四月杪與哭聲山別於揚州有餘哀。何日盡死無留憾。古來難層霄路近瞻。雙闕淺土年深痛兩棺。鼻復有靈知不瞑。側身天地荷

恩寬

家門先後忝科名。臚唱同聽第四聲。遲汝八年稱後輩

丁丑春聲山從庶常授編修。余授職在甲申冬月相距八年。長余一月禮先兄。余兩

庚寅生而聲山長余一月。前奏帖及班次余皆在後。故云。上籍咸入社名相亞。廣受

還鄉夢隔生。從此孤踪兼善病。荒蕪知復幾時營。

推挽無端到不才。王程何處不追陪。每當宣喚慙臣

老。嘗蒙東宮名對以。恩頒恤爾衰。丙戌十月。姪故呼慎行曰老查。特被。姪病不入。

斤命慎行資賜。一七發。同朝皆屬望。三年一病竟摧頽。

敬業堂詩集卷三十五

二

可憐烹鯉沈綿候。猶寄音書促我來。

過梅里為竹垞先生留一日

鄭重還山約餘年。準擬同如何向岐路。又復轉孤蓬。過

酒衝筵雪維舟。拍岸風我衰公早白告別敢忽忽。

虎丘花信樓與馬素村別

樓頭樹色已葱葱。樓外烟光薄未融。客况前遊前度夢。

去年二月泊舟樓下五日乃渡江。春程一雨一番風。綠蕪望極空濛際。

白髮痕深聚散中。多感故人臨別意。揮絃遙送倦飛鴻。

丹陽即目

連檣苟有小車行。不斷伊鴉輾輾聲。夾岸坡陀帶殘雪。

麥苗青上曲阿城。

重過高旻寺留別湘雨長老

茱萸灣口記停船。再叩禪扉已隔年。四海僧皈康寶月。三生人說杜樊川。閒投拄杖殘雲外。倦倚征帆落照前。等是有山歸未得。憐師還復望師憐。

雪後晚抵儀真

白沙一道走平川。野有耕犁步有船。方頃瓊田鋪宿麥。幾村茅屋起蒼烟。新泥滑路逢初霽。枯樹攀條感昔年。曾是阻風中酒地。老來情緒倍依然。乙亥秋從六合發舟阻風于此

江浦農家

江邑連年旱爲農。詎免饑牛羊。誰是牧雀鼠。自能肥野。廢林廬在城。燕戶口稀。眼看春社近。倘與燕同歸。

敬業堂詩集卷三十五

三

滁州看山

霧薄疎林晴曖曖。雪消幽澗響潺潺。曉來衝霧踏殘雪。愛看環滁面面山。

欲遊瑯邪山尋醉翁亭不果

征輪兀兀鬢催斑。誰遣勞薪不暫閒。咫尺西亭行不到。又隨春雁度關山。土人呼清流關爲關山

清流關

一綫飛流百丈清。洩雲歎雨落崢嶸。時平久罷中原戍。地險猶沿五代名。琴筑低昂因石勢。風濤起滅付松聲。瓦銚茶熟行人渴。只有閒僧管送迎。

磨盤山

勿論九折與千盤。涉足誰如此路寬。羊角旋風隨曲曲。
磨牛陳跡轉團團。連雲取棧紆終到。峻坂迴車下最難。
不是人間無捷徑。漸鴻原自喜盤桓。

池河驛

古驛千家聚。鍾離北望孤。河流近淮泗。山脈盡荆塗。客
館論珠貴。村醪計盞沽。明朝貪早發。前路入平蕪。

臨淮縣渡河

暴漲衝橋斷。孤城比石堅。中流聲沸地。別浦氣沈烟。渴
虎憎關吏。饑鳥仰客船。渡淮魚米賤。隣壤接豐年。

淮北道中

隔岸草攔攔。人家綠映檐。泥中逢驛騎。樹杪展風帆。暮

敬業堂書集卷三五

四

色遙天落。春寒細雨攬。故鄉行漸遠。猶未換春衫。

冒雨發皇莊。入靈壁境泥淖甚深。兢兢有失足
之慮。卓中口占

泥濘忽如許。行行險且紆。平生無闊步。老去復長途。不
少前車鑿。誰爲將伯呼。短筇吾賴汝。緩急幸攜扶。

宿州村家有種栢作籬者。戲嘲之

數椽曲木架茅茨。雨打風翻大半欹。多少荆榛寬束縛。
屈將翠栢作樊籬。

春寒

杏蕊稀疎。葛葉短。田家占候幾回過。春光只似宦情冷。
自渡江來風雨多。

旅店食紅蓮米飯

見說太丘產紅蓮稻最良色疑新出水粒愛乍除芒

詩除芒子粒紅浙罷解于染炊來軟更蕪曾蒙天上賜隨住年

駕口外官一飯愧私嘗

永城縣署與唐殿宣飲別

共作風塵吏聊追夙昔歡分攜頻改歲相勸一加餐酒

綠禁愁淺燈紅欲別難老深兒女戀直似故鄉看君之長子

余姪婿也余姪又為君婿時皆在座

道旁官柳一樹獨枯

同根連理枝一樣初問榮枯意春工兩不知

商丘道上戲作蕪寄同年宋山言二首

敬業堂詩集卷三五

五

少治春秋老漸疑宋都舊事記依稀近來六鷁多爭進

幾見因風稍退飛

梁園春半好風光紅杏開隣宋王墻苦被時名牽率去

一官頭白校書忙

寧陵喜雨

客過中州愛物華沙隨城外氣清嘉馳轡轉井晨澆菜

榻揆開田午種花地產木棉土人但呼為花今其下種時也色映酒壚三尺

約聲和牛鐸四輪車空傳杞宋遺風在喬木何曾屬世

家

贈正華長老并序

去睢州城北十里道旁梵宇俗呼鐵佛寺持住長老

吳人也自言蘇州嚴墓李氏子少依巨德禪師記荊
法名正華康熙庚申渡江北遊將赴五臺禮文殊瑞
像一夕經此坐道旁臥鐘下諦視則李正華姓名在
焉恍然悟前生之爲行脚僧也茲地舊有佛廬明季
燬於兵火遂發願募化銖積寸累經二十餘年乃薙
草開林凡爲殿四重莊嚴像設廊廡周遭僧寮及庖
湢之所共六十餘間仍以餘金買常住田二頃飯南
北往來緇衆今寺成而年老矣余觀而異之爲詳記
始末并贈以詩

曾爲行脚此經行聚鐵依稀鑄姓名重向荒村投一宿
忽從古佛證前生斧斯荆棘還初地海湧樓臺現化城
用盡萬金殘債了結跏依舊聽鐘聲

敬業堂詩集卷三五

六

伯牛岡在杞縣城東上有冉子廟地非孔道行
人罕有過而問者

垂鞭來問伯牛岡田叟扶犁過我旁指點人烟最深處
一村新柳似鵝黃

重至陳留縣齋與許不器話舊二首

小許移官去回頭十四年

乙亥秋許霜岩出宰茲邑邀余同來留此兩月故人

今宦此古義兩殷然種樹添新蔭開池得美泉重來娛
老眼光景勝從前

不料衝煩邑衙齋乃爾閒簿書神不滯交友性相關却
餽安余素居貧諒汝艱一杯渾暖執相顧慰衰顏

是日大風

大雪暮抵開封湯西崖前輩留飲學署二首

二月梁園雪春風特地寒行防街路滑到及酒升寬物
色符清望交情稱冷官庭花經手植何惜借人看

一代文章伯中原桃李陰青春聊作伴白髮莫相侵與
國培元氣於公識苦心人知讀書貴土價比黃金

徐大來太守送黃河水

沐浴多鹽井黃流遠不侵兩牛煩重載斛水抵兼金澹
泊知官味清涼鑿客心飲河還自晒滿腹恐難禁

雪後發汴城

三日大梁住北風吹不休朝來開霽景擬上渡河舟此

敬業堂詩集卷三十五

地多賢主吾生感舊遊吹臺桃柳色臨老重回頭

渡黃河

地勢豁中州黃河掌上流岍低沙易涸天遠樹全浮梁
宋回頭失徐淮極目收身輕往來便自歎不如鷗

延津城北望太行山

河壩一小縣傳是廩延城野燒痕猶在沙田廢不耕民
謠思樂土客飯記荒程指點鹽車路千峰馬首晴

早過淇縣

高登橋下水湯湯朝涉河邊露氣涼高登橋朝涉河皆在城南行過

淇園天未曉一痕殘月杏花香

渡淇水

昨日渡衛源今朝涉淇水出山雖異派相望不百里遊
子中原來黃流混混耳忽然鬢毛髮顧影落清泚風塵
有鬣顏夫豈水污爾從衰旋得白正坐不知止逝者方
如斯於何觀止理寓形忌太潔外垢庶可洗

鄴下雜咏四首

湯陰城外千楊柳密罩征鞍過相州中有一株柔可愛
勸人繫馬拂人頭

一賦何當敵兩京也知土木費經營濁漳確是無情物
流盡繁華只此聲

頑礫粗礪少硯材詞人陳跡散如灰兩家博士殊多事
曾範三臺舊瓦來

敬業堂詩集卷三五

八

一月寒禁幾信風初從河北聽靈澤老夫準備看花眼
半日停鞭住鄴中

是夕雷雨

雨後發豐樂鎮渡漳河

雷雨已過朝復暎早桃欲花烟滿村夢中似聞簷滴響
渡口微覺河流渾青山濛濛作雲氣白浪滾滾留沙痕
滏陽北望三十里舊事過眼從誰論

曩與許霜岩過此有芟荷香裏到磁

州之句

醴渠詩并序

磁州在漳滏二水間大興蔣侯來知州事始至相度
地勢慨然思復西門豹史起之舊謀於州之士民咸
慮勞且費侯獨違群議毅然為之醴滏陽河為渠以

灌城南北渠之廣不過一丈深半之曲折通流建閘以驗盈縮旱潦有備蓄洩以時行之十年開稻田數萬頃歲收數十萬斛初以爲不便者後皆帖帖謂侯之惠愛斯人惟斷乃成也侯名擢字試可余未識其人過其境聞父老之言有古循吏之風焉作詩以俟采風者

一州頓復西門續南北醜流引滄河綠樹成陰茅屋少清渠夾鏡稻田多年深漸欲孽魚蟹利美兼宜植芡荷他日誰裁溝洫志吾詩或可當絃歌

題邯鄲呂仙祠壁

百念全消一老夫神仙不信信浮屠直饒贈枕成何用

敬業堂詩集卷三五

九

鼻息如雷夢已無

臨洛關

臨洛關前春水綠草色平鋪接沙麓戍人閒雜老農耕拾得前朝戰場鏃

自搭裨店騎驢至沙河

遙遙沙河城晶晶堆均白驢耳露雙尖驢蹄深一尺

鴉拾粒行

牛前仰而犁鴉後俛以拾牛豈爲鴉耕鴉因牛得粒農夫呵牛長苦饑不如鴉群飽食東西飛

渡泚水有感於張陳事

泚河直下常山君誰遣當年竟不流此事終留交道恨

萬屍填塹兩人仇

上已趙州道中二首

幾日冰開合餘寒勒柳條

十日前中州已見杏花而邯鄲以北柳未全綠氣候之不

同如水濱遊女少閒殺趙州橋

平原畱故里牢落幾人家客過誰澆酒僧來且喫茶

與張昆詒

時宰新樂

惠好自兒童相看忽老翁以君三歲長與我兩心同書畫性成癖絃歌聲可風桑榆須早計歸路免西東

定武道中

積雪春猶潦連朝釋凍痕鶯花何太晚榆柳不勝繁貫酒中山市騎驢代北村祇愁風色惡回首太行昏

敬業堂詩集卷三十五

十

堯母泉在慶都城南源發于平地四時不涸環城數十里間居民頗獲其利

禹貢遺風壘壤先帝鄉耕鑿故依然繞城半食蒲荷利

源在南鄉一眼泉

道旁石碑稱堯母鄉第一泉

保陽城西望落翮山

不斷羊腸麓東來方馬趨數峰銜落日此路出飛狐

狂風行

碧天杲杲日正中萬竅窅發顛狂風塵沙瀟勃晝冥晦瓦礫旋轉隨枯蓬使人口吻不得張耳目成盲聾馬牛來往紛憧憧問之不辨西與東是時三月初柳條舒綠桃將紅胡爲噫此不平氣春行秋令毋乃違天公我行

邂逅偶相值墨守未易當輸攻心如混沌一不鑿外感
欲入何由通適來日無影適去塵無踪盡收衆籟入橐
籥仍以一寂還虛空

清明前三日重直 暢春園觀桃花二首

煖烟晴靄互交加散作高低遠近霞行盡人間冰雪路
又來天上看穠華

已逢蛺蝶未聞鶯閨歲春遲倍有情畢竟鳳城花信準
早桃開候近清明

同年王樓村招飲白丁香花下

我從鄉園來不看鄉園花輸君京洛住久客還成家一
株丁香香高卑越檐牙曾經上番種旋發春來葩獨抱

敬業堂詩集卷三五

十一

冰雪姿亭亭遠塵沙良辰醉其下酒美穀核嘉夕陽轉
庭西人影花交加我鬚已半白君鬢亦漸華自然法眼
淨維摩經遠離塵埃得法眼淨不被紅紫遮爲歡出邂逅所戒非窮
賒後漢仲長統傳論楚楚衣服戒在窮賒

閏三月朔與德尹同直內廷次東坡五月一日

轉對韻

冠壓華顛帶繞腰重來心跡負耕樵傲居未穩連宵夢
接武還同隻日朝上苑花開如見笑故人酒熟例相要
殘年果踐歸休約擊壤猶能頌 帝堯

苑東移居與同年汪紫滄同寓紫滄有詩和荅

三首

近傍名園遠去郊無多屋宇半編茅春蠶慣作同功繭
癸未以後借紫滄下榻自怡園社燕來尋舊識巢景與征衫隨日換官
隨手板幾時拋卜隣絕勝清漳宅蛩駟相依剩素交

茫茫人海此居停萬斛風埃兩葉萍草色堦除晴不掃
槐陰門扇晝長扃同槽廐馬無蹏嚙典謁家僮互使令
怪底羣情皆帖妥多緣君與我忘形

西苑鶯花幾閱春憶初伴直只三人
楊春園向未有直廬癸未正月三日

余與聲山恭滄始奉名入直後遂為劍何堪夢覺傷存歿或恐詩成泣鬼

神所居即其舊寓也炳燭餘光銷晚境青雲歧路失前

因搏沙放手絲同散東坡詩親友如搏沙放手旋復散敢向蘆盧認主

賓

敬業堂詩集卷三五

十一

同年佟淵若學士遊西山歸出不見寄二絕句

次韵奉答

浮嵐暖翠望難分忽枉新篇贈白雲賴是愛山同有癖
夢為麋鹿也隨君

西山何似西湖好欲問知章借馬騎今日烟波重到眼
去年曾和卷中詩去年春抄與淵若西湖唱和

題顧桓吳江送別圖為紀可亭學博賦

舟移碧草綠波岸人別曉風殘月時此景此圖誰會得

江郎賦筆柳郎詞

閏月十四日西苑送春二首

九十春光百五賒綠陰陰處雨斜斜多情裂帛湖頭水

長替東風掃落花

老去春遲願竟酬多添半月踏青遊人間何處無歸路
也被宮鶯喚少留

閏三月二十一日蒙 恩召入淵鑿齋乘舟至

瑞景軒蓋珠院露華樓徧觀各種牡丹恭紀四

首

宣喚欣承異數加高從銀漢泛紅槎行陪閨苑神仙侶

看徧春風穩重花穠淡何心隨造化丹青難貌是韶華

先一日傳示牡丹圖譜 梅檀別殿分明到只作華胥好夢誇

艷極真宜過雨看枝頭肅肅尚朝寒盤盃向背開瓊扇
瓔珞高低現寶鬘白光中雲五色明波濯處錦千端

敬業堂詩集卷三五

三

天工頃刻呈新瑞點出靈砂九轉丹

萬卉千葩未覺稠掃宮老監記牙籌蕪林不斷通三島

花海無邊際十洲佳氣茵蓋蒸作霧餘霞縹緲結成樓

蓋珠一本尤竒絕徑尺重臺兩並頭

瑤階卸砌望迴環映徹層層着色山 御譜新標題品

花名凡九十餘種外皆皇上新定 佳名微別淺深間心如草木春知

閏天並 君王霽在顏一片爐烟成百和袖中攜得國

香還

寓庭槐

庭隅雙槐樹手植知何人自我來此居婆娑忽經春初
看兔目綻漸布綠葉勻高處稍出牆密將遮比隣以茲

尋丈地無窮寓清新千章豈不多取蔭及一身閱人如
傳舍脈脈還傷神

四月二日 恩賜櫻桃恭紀十韵

燦燦華林種離離朱實香孰常先夏果貢不待炎方磊
砢初垂樹勺圓正滿筐珊瑚駢火齊沉灑和瓊漿露帶
枝頭潤盤登葉底涼鳥鵲珠愛赤蜂釀蜜羞黃櫻桃一名櫻珠
一名昨憶西湖獻 去歲初夏 上駐蹕 西湖居民日進此果今來上苑嘗賜

珍蒙見及飽食感非常配笋厨空勅探花宴屢張唐時宰相

有櫻笋厨進 士有櫻桃宴分甘誰得似長侍 聖人勞

題孫書年松下清齋圖孫善山水近亦供奉畫苑

自從月給官倉粟辜負園中鴨脚葵思作散仙猶未得

敬業堂詩集卷三十五

十四

更思成佛問何時

西苑 賜觀秧田恭紀十二韻

帝籍甚千畝農祥視一畦初聞朱果熟旋見綠針齊料
節栽花地開醜灌稻溪自 天知稼穡率土動耒犁檻
外雲生岫簾前雨作泥膏腴隨廣狹脈絡就高低剡剡
浮金淑葱葱夾玉隄好風垂柳下斜日畫橋西多稔占
豐稔維魚兆畢圭甸師行不到勾盾典曾稽入侶金鸞
鶴歸尋木馱馱自慙輸布穀猶解勸耕啼

四月二十七日 召入無逸齋看新竹恭紀十

二韻

地闢琅玕陽天通箭栝門烟霄連別苑雷雨過前軒菽

菽風開籜洄洄水注根移栽初尚淺培護久能繁惜筍
寧充饌抽梢盡出藩幾年成翠幙一徑轉蒼根潤滴莓
苔砌高扶薜荔垣涼陰清有氣新粉淨無痕直節人皆
見虛心道亦存律堪調鳳吹名豈愧龍孫好報平安信
休辜長養 恩親從天上看不羨白沙村

題王麟昭桐陰撫琴畫扇

暑殘涼早雨餘天人坐桐窗晝寂然百尺清陰三尺水
秋聲先上七條絃

午日西苑直廬賦雨中榴花

小院盆榴樹花時帶雨鮮施朱何太赤似火獨能然白
髮違佳節丹心感盛年蒲葵方滿眼此本定誰憐

敬業堂詩集卷三十六

海寧 查慎行 悔餘

道院集

起戊子五月
終十二月

余自甲申以後僦居城南道院者三年今春寓直
西郊五月 駕幸山莊避暑余仍回舊寓時同年
賀集洲沈岱瞻及家弟東亭俱需次入都樂數晨
夕遂定居焉安知後人不指此為浙西道院乎

重寓城南道院

壞壁留題在重來
直似歸野鷗終自遠
舊來積水潭鷗
鶯成群今水涸
無復巢燕復相依
獨樹風吹急叢葵
雨打稀避炎宜
堦爽作計未全非

敬業堂詩集卷三十六

一

疊前韻與同年賀集洲沈岱瞻家東亭時三子

皆同寓

曲尺移牀臥分曹
賭豎歸浮踪雖泛泛鄉語自依依
到眼青山近梳頭白髮稀
杜門深自念五十九年非
東坡云定
居之後杜門燒香深念五十九
年之非余今年恰五十九故云

小憇一莖菴與靜菴上人

槐影落空庭
晝長鳥聲樂
我來叩門入
濃綠淨如濯
禪牀聊閉目
非夢亦非覺
微涼何處生
風動袈裟角

寄祝竹垞先生八十壽二首

當代龍門望不輕得官
何必盡公卿
風清李泌神仙骨
帝錫張華博物名
研經博物
賜先生匾額也
御書
若椀登堂無俗客

籃輿扶路有門生。鱉魚不蝕長生字。老閱巾箱眼倍明。
自返初衣不記春。十年鳩杖又隨身。百分盞滿休辭醉。
萬卷書多轉益貧。荻火烹鮮鱸氣味。松風吹長鶴精神。
偷然出處行藏外。要是江東第一人。

趙价人乞東籬詩戲贈

君不識陶公而乃號東籬。君又未識我來乞東籬。詩我
雖未識君尚幸生同時。陶生千載上知我與君誰譬如。
夢中人此夢非彼。知形開神或合。閉目若見之孰謂淵
明心與君不相期。我詩豈妄作成此一段奇。

題同年詹允繩小照二首

射策成名已有餘。百城高擁意何如。石田佳句堪移贈

敬業堂詩集卷三十六

二

更讀人間未見書

萬卷傳家手澤新。五經腹笥自紛綸。也應留取餘光在

分乞去聲然糠鑿壁人

秀野草堂圖歌次顧十一俠君原韵

王麓臺仿
董文敏盧

鴻草堂筆意
朱竹垞有記

某樹某水與某丘。曠懷往往消百憂。無端弓旌被繡鎖。
坐對塵堦生牢愁。盧鴻草堂圖閱世已千載。十志並流
傳其人儼如在。問誰好事供瀟洒。毋乃真迹留王宰。華
亭最晚出樞本。發精采今之妙手繼者誰。摩詰前身應
畫師。丹青一變粉墨骨。寫向尺幅尤雄奇。云是吳中小
秀野。何斯佳境移於斯。堂中主人顧十一。結客論文兩

豪逸百家汎濫流溯源萬口喧傳名副實我是當年入
座人淋漓衫袖梨花春愛其披豁氣誼真丰格仿佛餘
先民宴衍之樂非絲竹水色烟光八窗綠半酣殿杳風
雨來歎玉跳珠三百斛辛巳初夏大雨中過秀野草堂坐客皆盡醉鐵崖老
矣阿瑛貧空巷閒拋薜蘿屋可憐相見鳳城西翫舍還
同燕子棲猶能折東致朋舊局促肯放詩名低我詩胡
足道依樣葫蘆畫中藁惟君癖嗜之擘紙含毫共研討
留題慣恼麓臺翁作記深慙竹垞老吁嗟乎神仙富貴
孰有無默存豈必皆清都夢中五岳巾箱圖君歸來今
挾我俱以神爲馬遽爲廬一息十反良可娛賃春齷齪
難久居乃獨憐君屋上烏

敬業堂詩集卷三十六

三

椿樹草堂月下分韻得侵字

銷夏第一集

草堂無樹月無陰但覺風生露氣侵跌宕久嗟良會少
疎狂終託故交深閒消長夏宜甘酒老傍清光耐苦吟
從此京華比河朔壚邊知費幾招尋

初伏日集張天門前輩寓齋暑甚晚雨微涼

流金已是報初庚誰耐銅街襖襪行伏日人歸東閣早
條冰銜署一堂清風能却扇炎何有雨解催詩晚竟成
買得荷花兼買葉碧筒留待夜深傾

曉仙謠效溫飛卿體

蘋霞照夕騰香氣丹樓絳闕五采文蟾蜍流銀兔噴玉
澹作淺碧魚鱗雲西池宴罷瑠璃淨杯面團團墮圓鏡

露警花宮酒乍醒
紫文早奏馳名姓
天雞振翰來剛風
俛聽萬戶膠膠同
九州大夢呼未覺
海底忽躍踰烏紅
龕髮絳節凌虛去
隱隱笙歌動初曙
一鶴高飛何處尋
羣仙只在朝真路

天門席上分賦宣窰盤中果物余得文官果限

官字

甲拆終難透勾尖
幸自完直同蘆筴
淡不比栢棗寒細
剖分甘瘦同登秘
色盤文名差底用
一笑顧園官

長林豐草吾廬圖爲林鹿原賦

錦夏第二集

鹿原名字天下聞
鹿原非鹿乃龍文
雄姿壯不受羈鞅
蹴踏往往空其群
世家嗜好通八分
楷法偶撫王右軍

敬業堂詩集卷三十六

四

一目之羅魏舒射此事胡足以盡君然而受知徑以

此遂釋塵褐于青雲日星煌煌懸御製目眩旁觀敢

偷睨居然給札給諭縻染翰朝朝得瞻睇天生本性終

難奪疏越么絃發孤詣爲言吾自愛吾廬豐草長林海

南滋問君結廬曾否成向人指圖先署名譬如驥駮負

轅輓心縱欲往歸無程老夫曩客三山麓正值山頭荔

支熟汝兒

謂同人

導我入西禪水瀉銀盆香剖玉而今道

遠歎莫致盡餅寧堪飽饒腹不如棄置兩忘情且免騎

驢度三伏珊瑚作鞭金絡頭幾時穩放華陽牛林深可

投草可臥此畫便是逍遙遊

李簣齋招集聖安寺納涼得火字

銷夏第二集

百蟲之長人為羸執屬欲逃無計可况當九陌鬱蒸天
萬甌烟騰塵堀堞連晨喜赴遠坊招似翼辭筴鏃隨竒
聖安寺古洵幽寂湖柳村荒尤僻左主人未到但居僧
衆客後來先揖我是早余最先到初除鼠跡布禪榻旋掃蛛窠
開殿鎖槐榆蒼翠滴苔磚鬼佛青紅填粉堞黃金鑄橘
南曦欽空穴來聲土囊哆須臾雜沓履綦集餽飭駢羅
奇核夥臨淄揮汗河朔豪物外無炎安用躲平生曾授
楞嚴偈欲賦蘭臺愁炙輶一官涉世馬加銜千緒縈身
蠶自畏動搖煖觸互起滅煩惱清涼瑤吹簌袖知水釋
還成水不道風生却從火悟來性火本真空透過風輪
乃初果以上六句皆本首楞嚴經語何人可語清淨退宋劉凝之有清淨退菴朱

敬業堂詩集卷三十六

五

子為作記此地差堪盤礴裸偶因趁伴作良遊依舊觀心同
宴坐自然熱毒無罅入更怕虛空有堆堆好音到耳微
雨來清景回頭夕陽墮明朝俛仰便陳迹閒處知經幾
喧歌野人好涼蕪好靜夙畏浮名今亦頗打鐘掃地結
願存英南甲葦序云惟願打鐘掃地為清涼山行者莫遣新詩浪傳播

陳月瀧太常蘭竹草蟲畫二首

離披九畹雨垂葉天矯半庭風戛竿知是誰家舊籬落
却煩秃筆寫荒寒

蛺蝶蜻蜓盡作團幽人措意非無端春蘭作花危石底
瘦棘高於秋竹竿

白沙翠竹石江圖為吉水宗伯李公賦即用題中六字

為物

展卷復長吟雙清到心跡秋風何處來滿眼江湖白
我公似康樂在家久忘家盤陀一片石坐閱恒河沙
巖廊四十年夙昔青霞志興到一回頭鄉山渺空翠
一寸二寸魚三竿五竿竹何必記平泉寓庭幽事足
靄靄林表雲鑿鑿波底石獨抱万里心卷舒不盈尺
過客尚留句愛茲山水邦天生好圖畫應屬李文江

分咏京師古蹟得貫休畫應夢羅漢像

銷夏第四集第

五千五百阿羅漢出世生天登彼岸其中尊者十八賢
龍象騰空來震旦白描晚入龍眠畫魔媿紛拏雜真贗
豈知遠出百年前巨幅流傳磨不爛翔麟供奉貫休入蜀賜燕

敬業堂詩集卷三十六

六

為翔麟殿內供奉浮屠人詩才繪事兩絕倫自言夢與應真遇

覺來由貌兼傳神心追手撫一揮就少緩則逝將失真

豐顧橋項多變相喜者含笑怒者瞋蓮藏已登禪月集

貫休詩二十卷名禪月集刻入大藏此圖淪落偏風塵老僧古寺深埋照

異物將歸有先兆當時畫本夢中成此夕遽然神復告

明朝有力負而趨卷軸儼隨飛錫到或疑十八缺其二

恐與李圖均被盜相傳明因寺中舊有李伯時畫渡海尊者圖不知何年為人賺去存者贗

本而僧不知也巧偷豪奪孰有無古往今來夢一覺去聲嗟嗟神

物難久貯莫逐青蚨便飛去君不見虎溪橋畔廬山路

羅漢曾為押綱具用曹翰下江州事

雨中蔣青崇孝廉邀集城南張園用南字

竹梧花藥勢相參，門徑依稀到尚諳。重與尋幽同野外，
早曾聯句向城南。亭臺易主名猶昔，風雨留人晚更酣。
二十五年真一夢，白頭搖落感江潭。
甲子秋與姜西溟、魏水村、惠研溪、輩
十七人飲酒賦詩於此
爾來門亭凡三易主矣

夏日咏物分得青奴

織作交加翠，留筠發冷光。卷舒隨笛簟，瑩滑稱藤床。比
扇三秋棄，如童五尺長。玲瓏須會取，即事有炎涼。

次韵荅周漁璜前輩見寄

結習多生未易摘，得公投句喜登然。遠山擁髻潭如鏡，
秋水平階屋似船。已外形骸猶有夢，不離文字豈能禪。
來詩云詩人垂老例參禪 祇應借佛論詩境，何法真超色界天。
時以拙稿

敬業堂詩集卷三六

七

鏡正于先生

以蜜漬鮮荔枝二枚分餉漁璜前輩蒙示絕句
二章次韵戲荅

從知物以少爲貴，兩首詩酬兩荔枝。焉得嶺南三百顆，
博君一顆一篇詩。

重馬馳來幾騎塵，開奩分餉孰如新老饜。舌在終能辨
風味，依稀似故人。

立秋日陳南麓都諫招集桂雲書屋

老樹蒼藤捲幔秋，芻添籬落綴牽牛。鄰沽滿眼分清濁，
諫紙開箱給唱酬。小榻迎涼仍北嚮，斜陽如火又西流。
誰能不領園林趣，每到君家愛少留。

匡山讀書圖歌爲南麓都諫賦

九言古體

我昔嘗吟太白廬山謠亦嘗身到九疊屏風均谷簾瀑
布倒挂幾万丈五老峰勢競出爭嶸嶸一筇兩屐十步
入九顧東西南北上下同猿猱太白書堂不知在何許
樵翁指點此地雲松巢披榛取徑晚入青蓮谷道窈石
刻大字深而頽三尊銅佛塵昏儼泥塑半截苔碣對圻
如坤爻多年老鼠化作白蝙蝠飛攫鶴卵占斷長林杳
爾時曾作世出世間想曷不於此翦棘編蓬茅故人相
招頭白早歸去誤落塵網乃被移文嘲黃門先生今之
嗜古者佞卷彷彿以漆來投膠風埃飢饉袞袞胡足道
直引謫仙居士爲神交當時手持玉尺徃校士剖析白

敬業堂詩集卷三十六

八

黑鉢紫疇能淆眼中了了忽現雲霧窟匡廬面目踴躍
隨鞭鞞還朝改官載離七寒暑百四十寺鐘鼓猶鏗敲
命工寫圖聊寓瀟洒意遭逢 聖主牙笏那得拋羽皇

新銘都付夢遊境興雖勇往跡繫烟中匏棲賢拾遺讀
書舊曾隱公擇山房萬卷亦手抄茲山圖記流傳代不
乏但恐再徃之計成浮泡清泉白石有約倘勿負君其

少緩容我爲鳴鶻

陳曾典江西鄉試故有玉尺校士之句

分咏詩人居址得東坡 迎涼第五集

東坡本屬宜賓郡桃李陰從郡圃收前輩風流傳白老

後來名勝擅黃州

白樂天爲忠州刺史於郡圃東坡手種桃李徃徃見於詩句蘇公自謂出

處老少粗似樂天東坡之號實本於白非偶合也

平生得力在憂患此地何心

繫去留大似高鴻向寥廓雪泥指爪記曾否

牛鳴雙村棹歌爲郭于宮賦四首

水淺沙平閣短篷西陂東埭往來通綠簑影裏跨牛渡
閒殺兩樵南北風

烟光霧氣不曾乾人與眠鷗共一灘湖似貫珠舩似蚌
酒如碧玉蟹如盤

見說江南水拍天而今江北占豐年自來葑塞湖邊住
黃犢生兒愛種田

小墾新開未起租四圍一色萬稍蘆紅薑紫芋村村熟
不怕人間有寇鳧

七月十四夜寓樓對月

敬業堂詩集卷三十六

九

此地殊空濶高樓更上層天孤一輪月星散萬家燈稍
覺浮塵歛俄看濁水激夜涼人不寐好景惜憑陵

題恬菴上人匡廬訪道圖二首

惠遠與少文前生定同社可惜愛山人今非住山者

五老雲松頂初登不道難近來無脚力只愛畫中看
壬申

秋余遊廬山曾上五老峯觀海綿故云

七月十五夜陳六謙過寓庭月下小飲
時六謙將出守

安南

十頃空潭半貯泥秋蓮晴湧綠頗黎
是夕積水潭故河燈城空鼓

角聲初動月出樓臺勢盡低佳夕一歡成邂逅故交垂

老惜分攜燕堂酒孰梅花發莫忘清遊補舊題
六謙點中往返

詩無見及者
故戲督之

題史耕岩前葦溼陽溪山圖即次原韻四首

良常東下路斜斜小塌平橋接兩涯
夢聽雷平池畔雨

覺來滿嶼是桃花

桃花嶼見顧况詩句曲勝地也

栽桑種稻互回連柳色騎牛浦
浦烟碧水繞田田繞郭

村翁不識縣門前

官情澹與昔賢同聊寫歸心寄
雨濛此段風期難擬似

王家輞口謝東中

洮湖如鏡照人明雲霧翻從展
卷生欲借公詩論米畫

筆端風雨勢縱橫

米元章舊有溼陽溪山圖故云尔

題邵甘來滙水村居圖

敬業堂詩集卷三六

十

修篁出屋柳公隄牛放前灘鴨
後溪吹得讀書聲過耳

釣絲風色板橋西

初遊城南陶然亭

望遠村東緩轡遊

余寓居道院在望遠村東去亭纔二里

流黃塵烏帽抽身晚白露蒼葭
洗眼秋風偃萬梢鋪井

底日斜雙鷺起城頭誰憐一派
蕭蕭意我是江湖未泊

舟

種藤歌為周桐堃前輩賦

迎涼第六集

吾聞管子云十年計樹木稍欲
望成陰寧須校遲速君

言美蔭貴目前疇能鬱鬱待
十年兩株桑木手交植意

取引架遮炎天插竹扶持工
乍異於塲未騁龍蛇質絲

痕曩作薜荔牆不與先生障西日盆池對水置廣庭細
鱗戢戢多于萍碧天倒影落萬丈夜久却涵三五星此
間露坐差不惡翻怕團團葉垂幕放梢何日過隣家留
待春風看瓔珞

家德尹潤木兩弟先後
僦居皆與先生比隣

德尹請假出都志別八首

去年夏旱今年水八口窮鄉那免饑我坐欲歸歸未得
得歸何忍阻君歸

植檜移松已兩年家書頻寄問西阡洛陽二頃談何易
稍喜躬耕有墓田

纔報歸期想候門夢中燈火菰花村天教此老桑榆暖
六十攜兒似抱孫

敬業堂詩集卷三十六

十一

舊巢架構鳩雖拙老樹婆娑蠹已除樊圃早垂黃橘柚
開池先養白芙蓉

涉脚迷途幸未遙六年官簿笑同寮輸他勇退能過我
多賦山居少在朝

弟自癸未秋假歸丁亥
冬還朝今又以病告

乞官無復步兵厨米價新來貴比珠慙愧臨行留薄俸
折支能博酒囊無

宋時檢校官折支例得退酒袋東坡
詩有猶費官家壓酒囊之句時俸米

方議改折
故及之

消夏迎涼紀歲華

自五月以來同人爲消
夏迎涼之會會必分題
離筵忽漫對

黃花一尊勸汝重陽酒若箇登高不憶家

一卷猶欠結茅資竹本花栽要及時煩寄兒曹無別語

爲余勤補舊柴籬

孫觀河無隱室乞題詩

丈室初從月地分
木樨開後又逢君
香風自滿三千界
鼻孔撩天幾箇聞

座主相國澤州公有別墅在西苑旁政事之暇
間一憇焉因取唐人郎士元詩意名曰半日村
高咏成篇命余繼和恭賦一章時長至前二日
頻傳騶唱出閒坊
沙路西連紫界牆
一室凝香回暖律
萬峰銜雪冷斜陽
圖開別墅原同謝
詩取佳名亦愛唐
會得先生蕭洒意
寸陰還較小年長

紫滄同年出示百聲詩凡天壤間有聲之物無
不入其牢籠和之不勝和也冬至日獨直西苑

敬業堂詩集卷三十六

十一

心有所會偶拈四題兼寄靈隱諦輝高旻湘雨
兩禪師亦屬並和

梵天一晌沈寥開
誰激華鯨怒吼雷
日落空林無客到
烟藏遠刹有風來
三生同聽人何在
半夜孤眠夢忽回
一百八聲敲不斷
苦教積劫墮輪迴

鐘聲

範金琢玉記同編
古製難從磬氏傳
小雨冷泠晨洒竹
孤燈裊裊夜浮烟
軍持老衲腰同折
香積空厨室並懸
最憶山堂秋講罷
一聲清徹似巴蟬

磬聲白樂天詩
巴蟬聲似磬

緣木求魚又一奇
巧將法器付雕師
空虛自與敲鏗應
緩急都於梵唄宜
響入松濤疑掉尾
枯逃世網賴捷椎
憑誰悟徹前塵事
身是他山啄木枝

木魚聲

三灾驚過晝沈沈，窳堵波高蘭若深。已向池中懸倒影，
又從天半落清音。石如解聽無生話，風豈能搖久定心。
若問此聲何起滅，本來無縫杳難尋。塔鈴聲

冬夜集潛齋分韻

我愛陳學士古歡，金石諧在躍不忘。潛而以顏其齋寓，
直少閒暇暫歸名。朋儕設餽當嚴冬，迨茲風日佳素心。
五六輩苒屨相與偕，君家門庭高俗子無由階。公聞
且喜初筵示模楷，獸炭紅麒麟地爐宿燄埋。分題命觴
咏是日相國命題衆各拈韻，合座忘形骸。盆梅初著花，行列如人排。
疎影落杯底，清香入竒懷。五言率未成，壹醉衆已皆。頭
盤雜拇陣錄事，主所差錢。綱卷劉若干興頗豪顧俠君

敬美堂詩集卷三十六

三

繆湘芷量靡涯陳子

世南

氣稍怯，罰籌密於鞞。臥審王

頽山浮蛆碧，傾淮余惟兀。然坐幸免出，而哇客散二屨。

留

是夕余與綱菴留宿齋中

連床聽膠膠，啻明朝寒栗。烈雪花點銅街

詩成從馬上，醉眼還重揩。

冬夜讀亡友錢木菴詩中有咏塵咏影二首嘆

其學道有得追和原韻

果否蓬萊海底生，本來無質自然輕。狂能眯目虛空暗，

細解窺窗穴隙明。羊角團團多借勢，馬頭滾滾似趨名。

泥融雨浥終難盡，那得乾坤一掃清。右咏塵

寓形宇內豈惟人，幻出無端現在因。我覺官骸多是假，

汝依水月詎爲真。隨身只怪趨難避，面壁誰知坐轉親。

吹却油燈何處覓佛光中現舜多神

右咏影

十二月初五夜夢一僧叩門乞詩夢中了了作
四言八句覺而錄之

有目斯翳有耳則鳴人方擾擾竅聰穴明空即是色寂
于何聲混沌不鑿以全其生

謝院長餉白魚牛尾狸

樵山擘水致珍羞陋巷敲門荷見投細剝銀絲防骨鯁

爛蒸玉面惜膏油酒管雙榼鮮同擊

周紫芝詩買魚配酒爲君嘗蘇詩酒

淡欣嘗牛尾狸糟壓三冬膩欲流東坡詩長美淮魚壓楚糟子

自分生平藜藿腹得蕪二者更何求

院長疊前韵見貽追憶十六年前唐東江與余

敬業堂詩集卷三十六

十四

晨夕唱酬事再疊韵奉荅
憶昨狂吟不自羞瓊瑤屢報木瓜投名園擘紙移朱舫
綺陌迴鞭避碧油花下清尊殊跌宕雪中白戰也風流
唐衢去後交遊冷忍聽嚶鳴出谷求

次日復惠黃柑水鮮蕪來索詩再賦二首

登杵磊落皆三寸照眼輝煌得八枚羅帕分甘先令節

碧香留賦待新醅漸回水齒瓊將春暖試奏霜刀綠霧開

便與魏橙同給客拜嘉真自永嘉來

橘譜出永嘉者爲真柑

風味依稀似鱸殘候鯖一月貴長安豐肌弱骨和羹美
雪片冰花入座寒欲報已無青玉案盛來兼乏水晶盤

連朝小試烹鮮手只累先生減食單

鑿米詞

朔風兮夜號百川兮晨凍射白日兮冷光柔變剛兮石
無縫千夫杵兮聲冲冲暑然解兮塊斯融天倒窺兮尋
丈下歸無極兮馮夷之宮吁嗟乎冰堅可藏兮從爾鑿
亦既臨深兮其毋履薄

次韻荅李秦川

衰年注蟲魚如蠹蝕書史迂疎衆所易未契得之子扣
門晨有投藻句霞散綺師承得前輩出語究終始子生
本名家抗志矯波靡昨來應秋賦名溢人口耳展足抱
未攄挽頽力堪仔詩才尤秀拔氣壓侯叔退當今大雅
宗四海歸繡水一老謂竹垞先生導其源揚瀾賴多士新倪

敬業堂詩集卷三十六

五

擢茗頽舊調削軟美味道庶在茲詞章寧小技君看嗚
陰鶴豈有寡和理餘風被東南矧迺桑與梓老人慎許
可僕指故無幾往往爲余言後來惟一李余雖分拙劣
夙好附群紀來篇等括張機觸難自止殘冬互酬荅塵
芥何足洗

題劉若干前輩夜雨對床圖小照

我恨不如遵渚雁行列羣群飛不斷又恨不如同隊魚
朝朝在藻還依蒲可憐兄弟如相避萍梗沈浮劇兒戲
壯年作客晚筮仕投老茫無歸宿地偶然風雨一連床
僮僕旁觀詫竒事平生怕讀頽濱詩中有傷心幾行泪
關中二劉今二蘇才名宦跡兩不孤有生聚散誰免得

看取對床聽雨圖長公秀骨仙之臞次公白晳豐而腴
題詩尚爾感顛顛令我展卷增嗟吁關河南距四千里
正坐一官為累耳不見伯淮季江屢詔徵不起肯以元
纁易布被

敬業堂詩集卷三十六

敬業堂詩集卷三十六

十六

難是亦好

五坐一官為累耳不見伯淮季江屢詔徵不起肯以元
纁易布被
難是亦好
敬業堂詩集卷三十六

敬業堂詩集卷三十七

海寧 查慎行 悔餘

槐籜集上

起巳丑正月
盡十二月

去宣武門西半里許有陋室十餘間尚鎖頽廢有
年矣巳丑二月自西苑下直歸從馬上望見老槐
二樹亭亭出屋顧而樂之遂僦居焉爾雅連謂之
移疏樓閣邊相連小屋名也因借樹以名吾集

春水次院長韻

怪底堅成脆行逢凍釋時寒無蟲可語暖被鴨先知裂
縫防頽岸留痕驗故池何當供夕飲春氣漸如炊

人日出郊

敬業堂詩集卷三十七

一

老夫新年年六十酬應昏昏忘盥櫛朝來準擬出郊行
走馬看山作人日西風撲面飛黃埃忽憶故園新種梅
詩成寄問草堂弟臘尾春頭開未開

去年正月於西
阡種梅數十本

院長餉新年食物兼示四絕句次荅

類篇止有鮓魚字梵語蘇詩恐誤人

說文玉篇俱無鮓
字司馬公類篇有

鮓魚釋氏稽古畧謂寶公吐鮓成活魚今江中涸魚是
也東坡詩中作鮓涸與鮓當是鮓字之訛本草失于考
證故及之我是江湖釣竿手為公箋釋到纖鱗

次韻鮓魚

半殼含胎剖蠟房鮮宜糟壓嫩宜湯黃封拜 賜連朝
醉特試先生醒酒方

糖黃淪湯
可以解醒

次韻蠟黃

吾鄉海錯雜魚蝦細瑣登盤品亦嘉忽見銀鈎如椀大
閩人好對浙人誇

次韵對蝦

嘉禾舊志說陶莊黃雀肥時早稻香

徐頤至元嘉禾志
黃雀出陶莊秋後

最肥自別家來無嗜好滿餅鄉味荷分嘗

次韵黃雀

春風次院長韻

又隨步履散今朝紫陌微微去轉遙頗訝渡河水易泮
不知吹髻雪難消南枝暗放參差蓋東面偷迎宛轉條
二十四番誰管領等閒聽過賣餠簫

次韵春雪

敬業堂詩集卷三十七

二

春寒不與臘寒同微霰來沾美袖風風翠浪舞當三白後
香泥巧借六花融飄殘柳外濛濛絮送盡江南片片鴻
莫倚侵陵萱草色繞階須護蕙蘭叢

長孫興祖就婚雲夢寄詩示之十韵

聞說求婚媾爲期在此春抱孫吾計日配婦汝成人雪
棹吳江岸風帆楚水濱間關憐道遠出贅笑家貧締好
因同譜

親家沈翰逸爲
癸酉鄉同年

居鄉本比隣禮從荆布舊義取

悅禱新莫倚嬌爲婿須存敬似賓葭莩方有託骨肉自
相親去迨冰開候歸當燕乳辰阿翁南望切書報勿辭
頻

院長餉柿霜餅兼示長律十二韵次謝

駢實交柯重金烏下啄同小園秋晚挂古寺日高烘爛

爛燒空赤蒸蒸耀眼紅蒂留紅袖織用白香山詩中事葉受墨

光融用鄭處事耿餅佳名著梁裨上品充滑疑流石蜜寒欲

殺尸蟲玉井千珠落丹田一氣通齒疎宜軟美喉潤覺

清空止嗽方殊驗時余方苦痰嗽迴腸味不窮殷勤開尺幅檢

點閉輕籠食罷仍蠲渴詩來况愈風多煩霜雪意寵貶

白頭翁來詩結句云還堪持獻壽好配紫芝翁

院長以乳酥餅見餉仍有詩索和謂余深於禪

理戲作偈語次韻奉酬

昔聞佛者言醍醐蓋有自初從牛乳出香美非思議於

中得酥酪先後當以次我意殊不然強生分別事先生

敬業堂詩集卷三十七

三

味禪悅故以機相試聚為一團酥是一要非二散為百

千餅又豈百千味當其為乳時洵滴白牛致云何清淨

腸猥用忍草飼我無廣長舌報以真實義請看牧牛者

苦苦掣其鼻不若聽所之放牛着露地人牛兩自在彼

味非此嗜莫管乳酪酥醍醐孰同異

以紫檀鏤管筆一雙饋院長兼呈拙句

客從吳興來遺我雙不律森然秋兔穎毫末羞自匿削

管用紫檀可手製新出兔冠頭不禿肯入中書室我老

腕力微何心計贏絀學書疑有鬼覓句懶無匹留之注

蟲蝦如膠柱鼓瑟故用移贈公庶幾副其實吳俞世不

作吳政俞俊皆北宋時筆工也諸葛法久失錢沈亦名流後來費評

鷲雖非金與銀鏤刻分纂述猶勝斑與赤輕脆抱空質
上將點絲綸次亦標甲乙含毫特餘興揮灑膏繼日新
年富新咏傳示盈卷帙浩汗或掣鯨精微乃貫蠱儲材
等武庫應敵在倉卒不以老見輕有作例牽率余雖勉
屬和十駕爭及一從公乞餘波仍以詩侑筆

湯西厓前輩自洛中寄示重修香山寺記石刻

拓本

龍門十寺已全荒金刹誰尋古道場劫外豐碑開闕塞

天中軼事在文章雲泉舊境緣曾結

白樂天香山寺詩且共雲泉結緣境

他生應作此山僧

山水初心後果償

幸爲山水主是償初心復始願之候也語出樂天重

修寺記中

公是樂天還記否前題多在暢師房

敬業堂詩集卷三十七

四

斗室

斗室無風入香巖正寂然一株娑律火半榻祖師禪白
雪將灰候青烟未吐前此時參鼻觀消息向誰傳

題吳寶崖雪龕煨芋圖小照

神仙只累十年官枵腹聊爲一飽歡何似雪龕風味好

平生不喫懶殘殘

山人更喫懶殘殘東坡逸詩句也

去年過塔灣湘雨禪師出所纂金剛經順意見

示攜之行笈欲爲刊刻流傳有志而未逮近以

呈院長蒙疊筆字韻詩盛相稱詡輒次韻奉酬

敢請院長爲功德主此篇聊當募緣偈一首也

呵呵

五十墮醉夢不知經論律一從讀金剛稍開雲霧匿深
沈百尺低垂綆及使出遊子久離鄉子焉返家室既歸
翻自痛精進力已絀欲除人我相兩敵勁無匹又爲義
疏誤孰與更張瑟晚遇馬蹟師貝多示真實微詮警後
悟妙解證前失俗昧知者希我衰天所隲誓將廣流布
期不虛纂述先生一見之析義豈待質執疑兩破碎決
若魚去乙詩來盛稱揚方便皎慧日黑蟻二方言卷之
僅盈帙護持付龍象普度及蟻蝨開雕指顧成功德亦
易卒檀那視積累幸以銖兩率恒河計沙數百億生于
一庶將擬楞嚴勝授房融筆

座主大宗伯許公七十壽辰敬呈長律四章

敬業堂詩集卷三十七

五

巖廊重望冠清都黃髮年尊與道俱燕許文章唐巨手
程朱理學宋醇儒龍門拔地孤逾峻鳩杖隨身健不扶
指似天文人盡識壽昌方叶泰階符

司徒崇秩晉春卿端右迴翔寄不輕公自起家敦孝友
世因瞻斗重科名衣冠盛事耆英社鄉國餘風月日評
歷政不緣中外異依然冰貯玉壺清

集賢曾寫樂天真九老中今第幾人三月韶光連上巳

三月二日
公誕辰也

七旬觴咏屬初辰芝蘭得氣殊庭秀桃李成

陰薄海春共仰官高能下士虛懷仍以讀書親

朝回晝靜愛長閒笑說生平杯酒間却向烟霄頻矯首
每從風月一披顏菴鱸遠夢馳千里松鶴高情在兩山

欲御籃輿知有處谷湖柳色待公還

余自甲申春寓城南道院丙戌十一月請假暫
歸戊子三月抵都重館于此己丑上巳前一日
將移居宣武門外臨行題鐸

三間古觀稱羈棲五見空梁補燕泥欲去每教僮灑掃

再來猶認客留題

壁間有同年王方若題句

飛鴻印雪原無跡倦馬

辭槽又一嘶怪底老懷殊戀戀西山多在短牆西

西苑新直廬

在澹寧居後

雪林風沼候參差休假俄經百日期

去年十一月奉旨暫停入直至今

年二月怡

魚鑰曉嚴新契勘

鄭谷詩門嚴新契勘

鳳巢春換舊樓

枝路迴稍覺穿花遠窗靜從看過影遲笑逐班行重入

敬業堂詩集卷三十七

六

直龍鍾已是杖鄉時

移寓示潤木二十韻

久客身何着今來願始諧買鄰無百笏僦舍爲雙槐

中庭

有老槐二株

迢遞連城角沿洄阻水涯閒坊聲較靜濕地勢

微注東野攜家具西枝寄病骸未能行躡屐那免出傳

牌橐俸先期給銅童冒雨差無妻中饋缺與弟入門偕

白木床分設烏皮几對措布衾寬稱席石炭賤踰柴茶

竈商量置書籤整妮排窗緣絲網掃池用瓦盆埋卷幔

通巢燕登椽待食鮭厨空浮白瓊壁挂踏青鞵車騎經

過聞風光漸次佳但教塵隔巷翻愛草侵階擊鉢旋相

和吹篴分不乖近宜論洽比遠或名朋儕汲井昊天寺

買花南市街經旬許休澣亦未廢清懷

三月三日雪後赴西苑馬上作

鳳城西北苑東偏白髮尋春又一年殘雪泥融芳草岸
昨夜微雪薄寒風動柳花天非無好景來林外尚少遊人到
水邊獨把吟鞭敲醉帽時逢修禊想歸田

暢春園杏花次李義山舊韻

杏花即仙源含情似欲言問名憐及第鄭谷曲江紅杏詩爲是春風及

第得氣儼承恩流水悠溶態初陽淺澹痕綠新宜柳映

紅遠覺桃繁蝶翅輕三月鶯聲戀一園盈盈窺紫闥脉

脉待黃昏小睡披香暖微酣帶雨溫臘融難作蒂溫飛卿詩

融蠟作杏蒂脂染定連根何處堪凝望逢人自悅魂青旗風

敬業堂詩集卷三十七

七

綽影猶記酒邊村

落花和陳潛齋學士韻

桃是深粧杏淺粧開時有態落猶香東風自借孤蓬力
流水何曾出苑牆

同年蔣酉君卜築西郊詩以落之仍次移居二

十韻

薄宦居難定同時興偶諧我方銘陋室君亦賦高齋趙閱齋詩

道有高齋詩作計寧非達爲生洵有涯背城山漸近就水地

宜洼昨搆才容膝今營儼樹骸舊材留梓澤新棟拆松

牌斤斧俄收響僮奴免借差落成三月速扶挈一門偕

輿軸疲牛汗楊樁疥馬指烟光通禁籞野氣入荆柴但

取藩籬便何須鬪戟排書奇傾囊買樹好帶花埋北釀
缸浮螳南京案致鮭僧來攜蜀綃信去覓吳鞵壽母藤
輿健嬌兒繡祿佳碧枝風卷幔紅藥雨翻階即事歡皆
具生平願豈垂宵歸辭俗客晨直約吾儕故國二千里
黃塵十二街筭來除蔣徑無此好情懷

暢春園芍藥

万卉爭春放開遲賸此花雅禁初日照濃被綠陰遮隔
岸浮香霧臨池蕩綺霞年年三月尾病眼閱繁華

酉君同年餉甘蔗

小束青如削來從櫻筍鄉特煩良友餉何異大官漿促
節過頭杖清泉漱齒霜多君甘蔗旨外有味必分嘗

前一日先

敬業堂詩集卷三十七

八

惠櫻桃
故云

下直經澹寧居後見新竹出墻

輕雷夜解斑籠籜地近宮垣勢便高應笑松栽成早偃
多年猶未出蓬蒿

四月二十四日奉 旨偕錢亮功汪紫澹兩同

年赴武英書局編纂佩文韻府口占示同事諸

君二首

六年供奉毫無補 天語蒙褒下禁中聯步久趨丹陛

北直廬今寓浴堂東名連進士慙同進管禿中書笑不
中那免退之譏磊落依然爾雅註魚蟲

上窺典誥薄風騷不數區區篆刻勞才盡更誰哀老子

課巖渾似限兒曹舊巢未掃痕猶在

仍奉
回南書房供奉
旨編纂事竣

賜馬相隨骨漸高差勝漢廷飢曼倩官厨豐饌日仍

叨

武英殿後老桑

出牆如葢勢童童初日移陰小殿東辜負江鄉蠶老候

烏鶻餘堪滴階紅

六十生日竹垞先生遠寄名錫唾盃茶餅

張銅沈錫皆禾產一枝成名不偶然今日瓶盃成古器

後生誰識百年前

槐陰露坐

我愛雙槐好婆娑滿院遮蟠根容穴螿出屋帶棲鴉未

敬業堂詩集卷三十七

九

落三秋葉將舒六月花近身安片席餘陰給隣家

鵲雛為隣猫所攫

庭南老槐樹當暑花葉敷有鵲棲其間雌雄將六雛毛

羽日夜長飼哺同慈烏家書故鄉來好客與之俱查查

每預報喜氣充我間自謂得所主永無意外虞鄰家黑

白猫眈視生覬覦陰藏爪牙毒上樹提飛颺六雛一被

攫鵲起逐以趨似將奪虎口性命還須臾又似望人援

繞簷群噪呼倉皇不及救坐視為嗟歎我墉被鼠穿唧

唧繁有徒孔箱盜夜粟穴紙潛朝朝恟汝雖磔百千飽噉

臥毳能誰當刻責汝加以非分誅鼠黠鵲性良飛走族

亦殊云胡於此暴顧獨於彼懦叶於彼為養奸於此戕

無辜汝腹縱暫滿汝腸義當剝吾欲致張湯詰之定爰
書公然掉尾去借鄰以逃逋

自書局回寓作

書局限孔嚴晨趨事搜討歸來日云夕返景在林杪槐
花滿中庭鋪積亦復好小童懶無匹安坐終日飽故欲
習其勤時時令汛掃清風颯然至葉有先秋槁頗聞蒙
莊言勞生佚以老信書乃大繆自計胡不蚤

喜雨

京師夏苦旱熏灼如炎方霰霖偶微霑暘者盈道旁滂
沱忽大沛燁怒不得張簷溜粗于繩翻瓢挹天漿栽花
得新活臥柳回舊僵既雨萬彙蘇我亦中微涼風霆一

敬業堂詩集卷三十七

十

夢破境過旋已忘

大雨過玉竦橋

雨聲衝破影中天百尺長虹万頃烟鷗鷺不爭車馬道
自遮荷蓋領雛眠

新晴赴書局

積雨暑未退快晴天爲高肩輿出衝泥俯仰同桔槔豈
不恤人力用代鞍馬勞竊祿多懷慙何如返蓬蒿

庭樹聞蟬

委蛻知何處吾廬忽有蟬不嫌晴晝永轉愛綠陰圓薄
比彈冠况清同舉室懸柴門虛倚杖悵望晚涼天

種竹

潦退庭宇涼竒懷赴幽獨規將尋丈地遠景收淇澳佳人來何方笑齒瑳冰玉欣然肯相就陋室空於谷上承槐高清下蔭苔嫩綠未應供客看或取藥我俗我俗庶可醫齋厨久無肉

瓶中白蓮朝開暮萎

街頭買白蓮帶露來座隅養之清淨水謂是西方姝朝為木槿榮夕與桑葉枯既開必有謝元化周斯須老人閱浮生過眼同一如那將熏染習累此冰雪膚寄語散花天我非狡獪徒從今方丈室永拔汚泥株

對鏡覽髮

我髮日夜短餘存諒無多既白會當禿不煩行羯磨人呼在家僧自署老頭陀黃精無掃法奈此秋蓬何

敬業堂詩集卷三十七

十一

夜枕喜雨

偶栽窗外竹初不為秋聲忽洒三更雨瀟瀟亦有情

新涼

素角城端鳴初涼動砧杵西風一以發清絕遽如許大化日循環吾生幾寒暑心空有遐託跡寓無久處社燕如知歸飄然辭逆旅微蛩漫多思唧唧乃私語

秋日江亭雅集有懷舊遊寄晚研滄洲西谷簣

齋鹿原天農及家德尹得遲字

酒徒半散天南北嬾到今年不作詩老去故應朋舊少重遊兼感歲時移孤亭窄似維摩室秋水寬於阿耨池

却被居僧嗤冷落主人來早客何遲

是日郭雙村治具諸君午後始集

一日假

偶得一日假心安良有餘簞涼便晏起髮短罷晨梳露
角連城動風蟬帶樹疎故鄉頻水旱翻怕得家書

旦入宣武門

柵鼓傳三千門開九衢曙老夫肩輿出日與輻車過粉
書揚銘旌束縛同此路死有千載暝生無一朝寤嗟爾
行哭人啾啾百蚊聚

語出楞嚴經

題嫺堂奉母圖爲郭于宮尊堂呂太君壽二首

天半鸞凰膝下雛承

恩先爲老親娛愛他五綵斑斕

袖曾捧驪龍四顆珠

皇上海巡時克嫺四字以

御書禮教賜母

敬業堂詩集卷二十七

十三

畫棟浮光縹緲間新摹

宸翰作堂顏天生才子如椽

筆欲賦閒居可得閒

于宮供奉南熏殿

張副戎有愛姬二人去年重陽日各生一子命

工繪圖同年劉大山有詩屬和一首

臨觀恰是重陽卦不比徐鄉二子歌菡萏秋房原並蒂
珊瑚越網又交柯明知照乘光相敵試問連城價孰多
博得兩鬟開口笑一持侯印一提戈

少宗伯王瑁湖先生別墅名甲秀園 皇上前

巡雲間凡兩幸焉先生作詩紀 恩復屬余繼

和次韻六章

甲秀園開碧柳潯每從廊廟憶山林花如韋曲傳佳句

風自卷阿繼雅音兼托丹青幕盛事獨將清曠契宸襟九峯高倚層霄上俯入軒窗是寸岑

喬木千章竹万根翠華臨處彩支繁帆檣隱隱頻移岸桑柘依依別有村綠野天開裴令豎冶城人識謝公墩陪遊何必身親到魚鳥能邀再顧恩

列仙圖籍本雲霄物外心期故自超雅有新栽矜異數喜聞屬和徧同朝兩回步輦花間入一色春旗柳外飄透出斗中光万丈御書樓閣冠巖椒

靈壽無煩借孔光朝回展卷好相狎書臨勅賜松花

硯笏聚家傳鑰石林蘭蛇芝庭方競秀石田茆屋豈全荒承明又名枚皋入始信烏衣世澤長

時長公麟昭被旨供奉

敬業堂詩集卷三十七

三

延內

一花一木記平泉手植何人不解憐此日韶華娛舜目幾家雨露長堯年波搖曲沼黃金縷欄亞新叢碧玉椽總在雲蒸霞蔚裏畫圖欲繪恐難全

陸機茸外野人家万頃畦風養麥花曉徑烟巒成掩冉晚春雲物貯清嘉山莊細雨初回輦官焙頭綱正試

茶扈從班中曾眊筆爲公濡翰語非諄

丁亥三月余隨駕獲游園中

九月二十日偕紫滄亮功兩同年赴密雲接

駕往返三日馬上即事六首

黃收朔野橫從畝紅散霜林遠近郊不是三人同寓目一年此景等閒拋

同官同直還同譜六七年來不暫分比似天邊一行雁
飛鳴食宿總成群

塞柳風高逼急砧 田鑿時節正秋深身如舊 賜天

閑馬暮齒猶餘見獵心

翠眊朱旂歲往來歡聲奮地又如雷關南黎老爭扶杖

重見蒼龍侍 輦回

蝗不成災慮種遺撲蝻有 詔責官司直從場圃初成

候箕到明年稻熟時

載路頻聞樂土歌 聖恩寬大緩催科太平是物皆蕃

庶斑鹿黃羊獲校多

送孟靜齋之任錢塘二首

敬業堂詩集卷三十七

西

水旱頻傳接井疆書船簫鼓半荒涼欣逢悃悞無華吏

往拯租庸積困鄉郡守賢如龔渤海謂張裕齋州民窮有鄭

滎陽謂老友鄭息廬此行直比陽春脚膏雨隨車到一方

不改書生舊羽儀翛然一見識心期曾從譜牒知名久

與德尹庚辰同年未覺風塵筮宦遲劇邑簿書迎及辦冷官門

戶少人持煩君蔭及先賢澤京兆岡阡忠惠祠先京兆公賜城

在江干范村外曾王父鍾忠惠公祠堂在西湖第一橋皆屬管內

齒痛借用昌黎韻

我年五十時落一牙一齒故人傳良方盥用井花水餘

存幸牢固自爾將及紀午餐漱方撤曉枕扣而起清比

啄木聲硠硠徹人耳寧知衰老候疾苦不由已積火壤

陳鵬浮陽發頽飢冬來忽擁腫罅縫生磔碗難憑藥醫
治平最怕物觸抵苦開酸兩頰亂動憎食指平吞有哽
咽礙嚼無軟美旁觀不知難相勸進匕匙黃耆半甌粥
舌在僅可錫連綿五晝夜腫赤乃漸止痛定得動搖老
夫翻自喜韓云吾亦云次第將落矣平生滋味薄藜藿
徒累爾時至適摧殘在堅宜有毀百骸推一例此蛻已
久委試看葉經霜終無戀枝理

初冬集春暉草堂賦得菊殘猶有傲霜枝十二

韻

黃菊將殘候嚴霜戒令時亭亭當晚節冉冉閱秋期正
使孤花秀何妨衆葉萎倚衰猶崛強競賞故參差澹入
高人目幽惟冷蝶窺似曾霑雨露終不傷樊籬搖落芳
心見低回客土移楓丹非本色竹翠是相知繞徑香雖
淺登堂影亦奇白衣誰送酒青女解催詩性在休嫌傲
寒多莫漫欺重陽高會少剩取一枝枝

擬樂天一字至七字體以題爲韻分得簾字

簾傍檻依檐防客見避花嫌平鋪湘簟斜搭吳檐額飄
風細細鈎映月纖纖更無人處垂地但有香時透奩試
問陰陰芳樹底後堂玉笛是誰拈

十月望後前輩周桐野同年王樓村雨中過槐
籬看菊留小飲明日桐翁以詩見投次原韻二

首

老瓦盆中花十本上槐街裏屋三間眼前此景殊不俗
輦下幾人能愛閒我已掀泥除蘚徑客方冒雨扣柴關
寒林瘦竹蕭蕭意着片疎籬即故山

土銼無烟硯欲冰一歡邂逅得何曾詩如老將渾無敵
花到殘年亦少朋紙閣留香清四壁畫屏肖影澹孤燈
直饒酒酸難拋在未敢多邀入社僧

題湯西厓前輩出關圖即送赴奉天府丞任六

首

中原桃李盡門生官比冰壺徹骨清此意 九重非不

達又持文枋赴陪京

奉天丞兼督學政故云

燕雲東北是重關咲拍飛鴻滅沒間天與先生開眼界

敬業堂詩集卷三十七

十六

自吟詩過十三山

里社枌榆接 帝鄉同時卿相半南陽居民老不知兵
革耕徧松桓舊戰場

沙蟲猿鶴總秋埃考證真須著作才別着畫圖車幾兩
東都少尹載書來

荒寒杞菊咲齋厨山海中間物產殊不獨秋原饒雉兔
八梢魚賽四鯁鱸

西風獵獵捲雙旌別路秋光雨正晴前隊朱衣非俗物
為君聊壯出關行

題紫滄醉吟圖小照三首

落花風裏鬢交垂山谷前身定牧之綺語多生留一句

醉圍紅袖寫烏絲

朝 賜黃封夕奏詩玉堂人物數同時如何袖染天香
後偏愛科頭曳履姿

醉裏清吟眼界花樂天猶作少年誇證因亭上新翻偈
枯木寒灰別一家

古詩

花開昨夜雨花謝今朝風造化故無私循環一氣中舉
舉少年子彈指成衰翁翁衰從少得乃復憂兒童

題翁樹服別茶圖小照三首

小團龍鳳碾初勻面首膏油苦鬪新修貢亭荒官焙少
輸他一片火前春

敬業堂詩集卷三十七

十七

湯老懸知客亦佳清風兩腋是仙才花瓷不少纖纖捧
辛苦磚爐自煮來

君顏白皙我華顛猶記騎驢並入燕重向茶邊論臭味
出山泉愧在山泉

盧六以庶常自藩邸入直 武英每乘小車以

詩索和

輾輓勞薪五稔餘八駟雖乏勝騎驢伐輪自信餐非素
代步何妨進稍徐菊挂鴟夸應貯酒中安棊坐好攤書
多君博物張寬比定有人占第七車

送宋蘭暉庶常養親歸商丘兼呈漫堂先生四

絕句

歸途幾見着先鞭祖道回頭僅隔年去秋送太宰公予告旋里贏得
竊觀增太息此行真箇是神仙

長假緣知爲老親隨身匹馬兩車輪較量白傅香山社
膝下今多奉杖人

出專方岳入蓬瀛小宋文章又擅名獨脫朝衫歸養志
官情付與二難兄

薄雪初消柳未絲行期預遣報西陂羨渠到日逢元日
歲酒先拈第一卮

得東亭弟滇南書知補授太和令作詩志喜

送爾衝炎出國門弟于五月抄出都半年迢遞憶征軒星埃路

脫千重險冰雪書來一笑温官舍向來多北戶王程從

敬業堂詩集卷三十七

一八

此少南韓家聲定有蠻人識身是前朝小諫孫明嘉靖朝先高

祖在諫垣疏叅分宜相杖譴定邊尉

從廟市買梅花水仙二盆口占二絕

取意原從冰雪間水邊林下總怡顏黃花過後無聊賴

又破先生一掬慳

根株高下手親栽嫩蕊多憑火力催好與冷官添暖熱

一房紅日看花開

荅破川程子和

有才如此我應求慙愧篇章屢見投愛說項斯長在口

自逢東野欲低頭苦心豈少知音識佳句殊難率筆酬

期子修途須努力莫憑唾點逐時流

除夕前四日宮怨堂寓齋消寒雅集次東坡荅

段屯田韻

平生區中緣足迹天下半自隨
廐乘秣坐致籠禽歎去日行已多
後期把難玩職雖典文墨官肯羨黃散
冷澹作詩人謹謹劄酒伴
蓼蓼街鼓夕喔嚙隣雞旦
葡萄點羹湯鮮腴釘梓案
狂吟詞跌宕衆舞影零亂
憑誰扶雅輪於我奉沃盥
營身有底急見事何妨
緩壯懷付消沈老學資
講貫賈生蠲細故韓子就新懦
欲回天地爐重扇陰陽炭
貧因思拔宅愛有歌適館
幾時解嚴寒此會得餘暖
甘從百罰醉聊博一笑粲

次潤木除夕感懷韻四首

敬業堂詩集卷三十一

元

窮年趨走不辭頻休澣聊除半日塵

武英節假後復入直內廷今日午間

始回

七秩將開吾向老半生習嬾爾無倫屋如參解東

高西住樹接斜街上下鄰
咲把屠蘇甘最後白頭何事肯先人

病鶴摧頽戀赤墀尚憑瘦骨強知時
早梅破臘心相許

殘菊迎春事亦奇

藏中菊花自十月杪至今尚未萎亦一奇也

賓戲客嘲從

啮啞人趨我步儘遲遲
枯枰三百多平路莫鬪新翻巧手碁

疎疎微霰墜無聲
隨分招呼得合并
陋室然薪爲蠟炬

荒厨煖酒用茶鐺
語便應對宜鄉友
夢失悲歡長道情

錯料官中有生計
依然共爾舉家清

風流幾輩記遊燕往事依稀劍契船細數流年殊瞥爾
每逢遠計一悽然半年來吾鄉陳少司寇汪少司農龍
竹垞朱先生陳太守六謙皆物故
蛇屢厄天何意蛩駘相依老倍憐正自欲歸猶未得妄
思駐景作巢仙

敬業堂詩集卷三十七

敬業堂詩集卷三十七

三

